

ლახტი




№ 6 კვირა, 13 აპრილი. | ერთი წლით ჟურნალი ღირს 2 მან. 50 კაპ. ნახევარი წლით 1 მან. 25 კაპ. წერილები და ფული უნდა გამოგზავნოს შემდგომის ადრესით: Тифლისь. Мухравская 12, журналъ „ЛАХТИ“. | ფასი 5 კაპ. № 6

ყაჩაღი ილიკო იმერლიშვილის სიკვდილი

2 აპრილს ბაგის ქალაში მომხდარი ამბავი დღესაც საიდუმლოებით არის მოცული. ვისი იყო და რა მიზნით იყო იქ მიტანილი, შემთხვევით აფეთქდა ეს ყუმბარა, თუ იქ რაიმე ღალატი იყო, ყველა ეს კითხვა საშინლად აინტერესებს როგორც პოლიციას, ისე საზოგადოებას, მაგრამ მისი გამოკვევას, ალბად შეუძლებელი იქნება მომავალშიც, თუ ნამდვილი ცნობა გადარჩენილმა ყაჩაღებმა „ქოქლის ბიჭმა“ და ფილო ფერმისაშვილმა არ გამოაქვეყნეს.

ვინ იყო ნიკო ქობულაშვილი? იგი ყაჩაღების ამხანაგი იყო და მათ ფარულად სანოვაგეს უზიდავდა, თუ იგი გზაზე ზოიტაცეს ყაჩაღებმა და თან წაიყვანეს, როგორც ზოგი ამბობს; და საერთოდ რა როლს თამაშობდა, ეს გლეხი, — დღემდე ესეც გამოურკვეველია.

ამ ეამად საბოლოოდ გამოირკვა, რომ ერთი მოკლულ ყაჩაღთაგანი ნამდვილად ილიკო იმერლიშვილი იყო, თუმცა დაქინებით გაიძახოდ-



ნენ, იგი ნაძალადევის სროლის დროს მოკვდაო.

საქმის ვითარებამ სხვა გვაჩვენა: იმერლიშვილი სრულიად უგუნებელი გადარჩენილყო ნაძალადევის სროლას, მხოლოდ ამ დროს თოფი დაზიანებოდა, რომელიც თურმე მცხეთის გზაზე ერთის ხელოსნისთვის შეეკეთებინა. ჩქარა მთელს ქალაქს მოედო ამბავი, იმერლიშვილი ცოცხალია და დუშეთის მაზრაში იფარავს თავსო.

ნაძალადევის სროლის შემდეგ არ გაიარა დიდმა დრომ, რომ იმერლიშვილმა თავი მოჰკვეთა თავის ამხანაგს არჩილ იოსებაძეს, ქვაშვეთის ეკლესიის მედავითნედ ნამყოფს, რადგანაც ეჭვი აიღო, რომ იოსებაძეს საიდუმლო კავშირი უნდა ჰქონდეს პოლიციასთანაო. მოკვეთილი თავი კალათაში ჩადო, მიიტანა რკინის გზაზე და, ალბად მცხეთაში. ტფილისისკენ მომავალ მატარებლის ერთს ვაგონში დასდო. კალათა იპოვეს ბაქოში ვაგონების დაგვის დროს. კალათაში ბარათი იყო, სა-

დაც ქართულად ეწერა: „ამხანაგის მოღალატეს ასეთი სიკვდილი ეკუთვნისო“.

ამის შემდეგ ილიკო იმერლიშვილის შესახებ აღარა ისმოდა რა და აი მოულოდნელად 2 აპრილს მოვიდა ნამდვილი ცნობა, იმერლიშვილი მოკვდაო. რამ გამოიწვია ყუმბარის აფეთქება, — ამის შესახებ ხალხში სხვა და სხვა აზრი ტრიალებს. ერთნი ამბობენ, ყუმბარას ამზადებდნენ ყაჩაღები დილით რაღაც საქმეზე წასვლას აპირობდნენ, მაგრამ გაუფრთხილებლობით ყუმბარა აფეთქდა და ყაჩაღები იმსხვერპლაო. მეორეთა თქმით, ყაჩაღებს დამით ტკბილათ ეძინათ, შუაში კი დიდი ცეცხლი გუზგუზებდა; ყუმბარა ისე უხერხულ ალაგას იყო შენახული, რომ ცეცხლი მისწვდა და ააფეთქაო. ეს ორი ვერსია ბევრს არა სჯერა შემდეგის მოსაზრებით: მთელი ის ადგილი, სადაც ყაჩაღები იყვნენ დაბანაკებული, სულ მოკლეჯილია, გარშემო მთელი ტყე მოტრუსულია და ყუმბარისაგან მიწაც კი უსწორ-მასწორად ამოთხრილია; ასეთ გარემოებაში თათქმის შეუძლებელი იყო ორის ყაჩაღის გადარჩენა. ამის გამო მესამენი ჰფიქრობენ რომ იმერლიშვილი მსხვერპლი გახდა ამხანაგთა ღალატისა; ამათის აზრით ამხანაგებს შორის რაიმე მტრობა იყო; ქოქლის ბიჭმა და ფილო ფერმისაშვილმა ისარგებლეს ამხანაგების ძილით და შორს მანძილიდან მძინარეებს ყუმბარა დაახალეს. მსროლელნი დაიჭრნენ თუ არა, არ იციან. სისხლის წვეთები ახლო მახლო ადგილას არსად ამჩნევია.

გაქცეულ ყაჩაღთა ძებნას დუშეთის სამაზრო პოლიცია კვლავ განაგრძნობსო.

გაზაფხული

გაზაფხულდა, გაზაფხულდა, მისი ეშხით ყველა სტკბება, ხოლო ციხის კედლებ შუა პატიმარი ქკვაზე სცდება. საგანგებოდ გაიფურჩქნა, აბიბინდა მთა და ველი;

ნეტარება კარში მყოფსა, მე ციხეში რას მოველი?!

მას უღიმის გაზაფხული, ვინც მის მკლავზე მოისვენოს, ვინც იცელქოს თავისუფლად, დაითროს და დაისვენოს!..

ოდეს ხარობს კარში მყოფი, კენესის, სტირის ჩემი გული, რათა ტრფობას და ალერსსა ყველასა ვარ მოკლებული.

სიხარულის მაგიერათ ამატირა, დამაღონა: ჩემი წარსული და აწმყუც თვალ-ცრემლიანს მომაგონა...

ოხ! ნეტავი რათ მოვიდა მომხიბლავი გაზაფხული, რომ ჩაკეტილთ საპყრობილეს აღუშფოთა ყველას გული!!.

ილო ნაც—ლი.

წყარო

მღერის ჰაგნებს საიდუმლოს, მოჩუხჩუხებს ქვეზე ჰკრთება მისი ბგერა საოცნებო, საამოვოდ მდელიოს ჰწვდება, წინ გაშლილა ყვაველთ ჯარი, ვით ვარსკვლავი მალლა ცაში გადაზნექით ხტუნაობენ: ნაკადულო, ტაში! ტაში!

გ. ლეონიძე.

გურული სცენა

(მარკაზნის უბედურება)

ჩემდა საუბედუროდ გამიჩნდა ერთი ქალიშვილი, ავზარდეთ თლა რიტორიტით; ჩიტის რძეც არ მომიკლია მისთვის, რომ შექნა თექვსმეტი წლის, ჩამაცივდა პორუსკობაი უნდა ვისწავლოვო! კაი შვილო თქვა უთხარი და გამოუწყვე საგძალი: ქაღის ფქვილი, ღომის ღომი, ღობიოს კაკალი და უთხარ: შვილო. პეტრია რომ არის იქინეი, იმასთან მიდი, მაგი ჩვენი ნათესავია, იმას ცოლი რომ ყავს აღათიე, ის ბაბუა ჩემის, მამიდეს ძროხის მოზიარეს შვილის შვილია. რომ მიხვალ, ის გაგიჩოთქავს კლასში საქმეს მეთქი. ჩავიყვანე სტანციაში. უთხარი: მშვიდობით ჩემო კვარახტინა მარიამ

მეთქი და გოუყენე თბილისის გზას. ექვსი თვის შემდეგ ჩამობრუნდა ისთველეთ შინ. დედავ! ქკვაზე შევრეტეიანი კაკალი კაკი. შვილი გავეზავენე, საჩივით იყო გაშთრიგხანებული. ახლა გულ-შკერდი გამობერილი, წელი განზე მიხრილი. არ დავდუბულვარ, შვილო ვინ ჩაგობრივა წელი მეთქი? არა მამა ჩემო, მათი მოღნა არისო. ვაი მოღნა და გადაღნა მაგის შრამგონი მეთქი.

სალამოს, დაწოლის ხანს გეიხადა, მარა რა გეიხადა, გულიდან გამოათრია ერთი სასაბნე ბამბა, წელიდან ორი. შვილო, აი ბაზბა; საბნათ შევაკერიოთ დედაშენს და წეიტანე თბილისში მეთქი. „მაი რაფერ იქნება, მოღნა არისო“.

ერთ კვირეს იყო ბანო შინ და ხომ კეკალივით მოდიოდა წერილები. ერთი წერდა, ოჯახ-ამოგუბული: „მოი დუშინკა, მარუსიავო... ზაჩემ ამდენს ხანს პრიეხალატ არ ზდელილაო. თუ მალე არ პრიეხაიტო კისლავოდკას, მერე დასვიდანიაო“.

ამანაც ეიჩემა: „უნდა წვევიდეო და შენც წამომყეო“. კაი თქვა უთხარი და წვევით. რომ ჩვევით ქალაქში იმდენი გოგუები და ბიჭები დოუხთა, რომ თელი დუნაა მერეკეთი. დოუწყეს: ა... ა... ა... სპრიეხალომ, სპრიეხალომო. ცოტა ქე გამიკვირდა, აბა აგენმა რა იცოდა, რომ ჩვენ დღეს ჩემევიდოდით მეთქი, თურმე ნუ იტყვი მუღამ ღამე სტანციაში არიან მისი წიგნებით. მივედით ოთახში. მეორე დღეს წვიდა ჩემი ქალიშვილი კლასში. მე შინ მემეწყინა და სტანციაში წვევდი. სხვაგან გზაი არ ვიცოდი. ერთი კვირეს ვიყავი იქინეი და სულ სტანციაში დავდიოდი. ამ ჩემ ქალიშვილს სულ სტანციაში ვხედავ, ცოტა ქე გამიკვირდა, ხეთის-წინაშე. მარა, ვიფიქრე, რაცხა აქანეი ყოფილა კლასი მეთქი. თურმე სულ სხვაფერ ყოფილა საქმე.

წამოვედი მე სოფელში. კილო ექვსი თვის მერე ჩამობრუნდა შინ, მაშინ გული ქონდა გამობერილი,

ახლა კი მუცელი. ცოტა ქე შევიფრცხალე, მარა ვიფიქრე, მაშინ გულზე იყო მოდნა და, ახლა მუცელზე ჩამოსულა მეთქი. ის კი არა სამი თვის მერე, უსიძოთ შვილის-შვილი კი არ შემეძინა!.. აია, შენი მოდნა გოგო მეთქი? ვბრიგე და ვბრიგე, მარა რალაი დროს იყო. ეხლა ვთხოვ იქოლურ მებუფეტეს, თუ ნახოს იქინე კიდევ გოგოუები, მიბერტყ-მობერტყოს, თუ არა იმათ მამებიც ჩემს დღეში ჩავარდებიან.

ა. ძაძამია.

კ ი თ ხ ვ ა

რისთვის გეწამე ქვეყნად, რისთვისა, რისთვისა გზიდე წამების ჯვარა; გულს მოგონება რისთვისა დრნისა, რათ ვარ ბუდისგან ესდენ დამწვარი?!

რათ დამიმსხვრეე ეტლი ბუდისა, რათ მამიშხამე ტრფობისა დღენი, გულს რათ ჩამიკაფ ხმა იმედისა საკვანეს სატრფობით რამ შევიქენი?!

შენ გეკითხები ცრუა სოფელა: კანუტანელა ჭირის მყოფელა, ხენაარს იქით რამ სახაგ სადგურს, ცნებებს იქით უგდებებს ჩანგურს.

იქით მამიწვეთ, იქით მიმთერენ, სივარჯანის ვამს მატკობ და მადხენ; ხილულ ჯოჯოხეთს, ხსნით მიიფრადებ, და ლოდინში კვლავ კაქშანს მადებ...

რასაც შიბრდები, ის დრო სახეხენი, სიზმრად ვერ ვნახე ის ტრფობის დღენი, კვლავ სიმწარე მდევს სივარჯანის ესდენ ტანჯულად კარდავიქენი...

შენ კვლავ მატყუებ ცბიერა ქნარით, მე კი, ლოდინში სულს ვგდებ სიმწარით. ესლა მოგეფტვი, და გნუკავ მარქვი ბუდი ხედიდან რისთვის წამართვი?

რასაც სიერშითვე მანბროვნებდი, მისთვის თავს ვდებდი, მისთვის ვგდებდიოდი თუ კი შემთხვევით მას ვიბოკებდი, თუნდ ამ საწუთროს მუის დავტკობდი...

შენ კი მომტაცე რისთვისა და რათა, მამ რისთვისა ვწიე მძიმე ჭანანი?! სული ჯოჯოხეთს გადაქნლართა წინ ეგლით ფენილ დამიდგა გზანი

რისთვისა დამტანჯე მუდამ ტანჯული, რისთვისა ამითე ტეტნლის გენა, თუ იგოდებდა კვლავ წემი სული კვლავ ჩამქოლავდა სიმწარის დღენი?..

ირ. ტოფაძე.

მ უ შ ა

მით ვამაყობ, რომ მე არ ვარ ვისმესავით გაიძვერა, სხვისა ნაშრომს არ ვიტაცებ და ჩემს ახზე გული მჯერა.

მით ვამაყობ, რომ მუცელი ცოტაზედაც მაძლარია, და ეს მცირე ნაშოვარიც ჩემი ოფლით ნაღვარია.

და თუ ვნახე ვინმე ჩემზე უფრო ბედით დატანჯული, ჩემი ოფლით ნაშოვარი მისკენა მაქვს მომარჯული.

მით ვამაყობ, რომ ჩემს გულზე სულ „სიმაართლე“ აწერია, უსამართლო, ცრუ იუდას, ვარ მედგარი მე მტერია.

„უკუღმართი სიტკობება“
ეგ, საწუთო ზღაპარია—
კეთილი და კარგი საქმე,
„უკვდავების“ ლამპარია.
ი. მეგრელიშვილი

მეფაპიტნა უმბვი

საწყალი ივანე!.. იქნება ესლა მისი ძვლებიც კი აღარსად იყოს, მაგრამ თავის დღეში არ დამავიწყდება ჩვენი მედავითნე: ამოკუზული მოხუცებული, ჭაღარა და მოთელილი წვერით, ელემი თვადებით, ბურნუთიანი ცხვირით.

სულ თვალწინ მიდგა. ასე მგონია, აი ამ საათში ჩემ წინა დგა თავისი დაკანკილი ახალუხით, ხელში ხის ბურნუთის კოლოფი უჭირავს და სიბერისაგან დაკვლანჭილ და დაქმანჭულ ორ თითს ბურნუთით სავსეს ცხვირის ნესტოებს არ აშორებდა.

საბრალო ივანე! არა მგონია სოფელში ყოფილიყო ისთი კაცი, რომ იგი ეხლაც არ ახსოვდეთ.

მეტად უყვარდა საწყალს გადაკვრა, ასე რომ მას კაცი ფხიზელს ვერა ჰნახავდა. სოფელში ყველას აბუჩად ჰყავდა ავდებული, მეტი სახელიც ივანეს სოფელმა უწოდა: „ფეტვია“*).

* სულელი, ცერცერი.

ივანეს სამრევლოში შედიოდა მთელი სამი სოფელი. თითონ ეკლესია იყო გორაზე. ზევიდან ამაყად დაჰყურებდა თავის მრევლს. აღმოსავლეთით იყო ჩვენი სოფელი, სამხრეთით მეორე და მესამეც დასავლეთით. იქვე ეკლესიასთან იყო აშენებული ორი ქვიტკირის ოთახი. ერთში სცხოვრობდა ივანე თავის ვირით, ხოლო მეორეში ბინავდებოდნენ ღამის მთევლები.

გადაჰკიდებდა შემოდგომაზე ივანე ვირს დაგლეჯილ ხურჯინს და დაიწყებდა სოფლიდან სოფლამდე წანწალს კოდის პურის ასაკრებად, მაგრამ როდესაც მისი მოხუცებული და შეზარხოშებული თავი აღარ ემორჩილებოდა, შეჯდებოდა თავის „ვასკა“ ვირზე და ისე მშვიდობიანად მიიყვანდა ხოლმესახლში, როგორც კარგი პატრონი. ივანესაც იმიტომ უყვარდა თავის მეგობარი და გვერდიდან არ იშორებდა. სულ მის მოვლაში იყო.

აღდგომას და შობას მოუთმენლად მოველოდდით ხოლმე ჩვენ ივანეს.

რა არის ბალღობა!.. ჩვენ სიხარულს საზღვარი აღარა ჰქონდა, როდესაც დავინახავდით იმ ტკბილ მოხუცებულს. ბევრს გვაცივნებდა ხოლმე და თუ სველი ხელადით ღვინოსაც გადავაკვრევინებდით, გამოგვიყვანდა და სათითაოდ შეგვსვამდა თავის საყვარელ ვირზე.

შობის ღამეს დილიდანვე იწყებდა ალილოზე ტარებას, რათა ყველა შემძლებელი ოჯახი მოეველო თავის ვირით და სარჩო ეშოვა. ჩვენ სოფელს ღამე უწევდა ხოლმე, რადგანაც ჩვენ უფრო მოშორებით ვიყავით ეკლესიაზე, ვიდრე სხვები.

წინ თითონ მიდიოდა თავის ორკაბიანი ჯოხით; გულზედ თოკით ჩამოკიდებული ჰქონდა უზარ-მაზარი ფიცარზე დახატული ღვთის მშობლის ხატი, მეორე ხელში ეჭირა ვირზე გამოზმული თოკი. რომელიც მორჩილად მისდევდა ყურებჩამოყრილი თავის პატრონს.



ს ა ბ ტ ა

პ რ ღ ა მ ი ბ ი ნ ე უ რ

(რამანსი)

ოდესაც მნახო დაღონებული, დამსხვრეული ქნართა გთხოვ გამამხნევო, გამიმთელო, სიმნი ამიწყო, ქხელში: რომ ობლად შთენილ მიჯნურისა წრფელ სიყვარულით ზედ დავამდერო ორი სიტყვა: არ დამივიწყო!..

როს დავრდომილი მნახო სადმე არისა შემძლე, გვერდს ნუ ამიხვევ და არც ზიზლით ქცერა დამიწყო: გულის საუნჯევე თუმც შეგძულდე და არ მომხედო, მაინც ამას გთხოვ: არ დამივიწყო, არ დამივიწყო!..

ოდეს განვშორდე წუთი სოფელს, მოვწყდე სიციოცხლეს, ჩემო ტურფავ! ცრემლი არ ჰღვარო, გლოვა არ იწყო; იმხიარულე, იცეკვავე, იმღერე ყველგან—

მხოლოდ გახსოვდე, მიგონებდე, არ დამივიწყო!..

ამ ქვეყნიურო ბალო ედემის—სიმბოლოვ შევბის. ან თუ ოდესმე სხვას ეკუთვნო, ტრფობა დაუწყო, მიწა გრილია! აცივებს ყველას—თვით ხსოვნასაც კი... .. შენ გენაცვალე, თავს შემოგველე, არ დამივიწყო!..

ოდესაც სხვას სიყვარულში ფეციებოდე, გახსოვდე მარად ჩემი კოცნა შენს ბაგენზე არ დამივიწყო...

სამარის თავს მდგარი ია და ქვის წარწერაც

იმავე ორ სიტყვას ილაღადებენ: არ დამივიწყო!..

ს. ერთაწმინდელი.

შკითხველს გაუკვირდება: რად უნდოდა, რომ ხატი კისერზე ჩამოეკიდნაო?!.

საკვირველი არ არის. ეს ივანეს ქვეიანური მოგონება იყო, იმ მოსაზრებით, რომ სიმთვრალეში ხატი არსად დამრჩეს და არ დავკარგოვო.

ერთ შობის ღამეს დიდი ყინვები იყო, მაგრამ მაინც ფეტვიამ უნუგეშოდ არ დავტოვა. შეიქნა ჩვენ ბოთფერას და აღმასას გრიალი და ყფვა. ბაღლები სიხარულით ფეხზე წამოვცვივდით, როდესაც ბიჭმა ძაღლებს ხმა მისცა და დააჩუმა. ფეტვიამ კარებთან ჩაახველა. კარებთან ჩახველება ფეტვიას ჩვეულებათა ჰქონდა გადაქცეული, ვისთანაც მივიდოდა, ჯერ კარებთან ჩაახველებდა, მერე კარებს დაუკაკუნებდა. გავიგეთ თუ არა ჩახველება, მაშინვე დავიწყეთ ყვირილი:

— ფეტვია, ფეტვია!

დედა ჩემი სიცილით ფეხებს გვიბრაზუნებდა.

— სუ, გაიგებს, სირცხვილია!

მაგრამ ვინ ეპოვებოდა.

შემოვიდა გადაკრული ივანე, ვი-რი აივანზე მიემა.

შემოსვლისთანავე ჯერ პირ-ჯვარი გაღიწერა, მერე თავი დაგვიკრა, აანთო ორი ყვითელი სანთელი, დაიჭირა გულთან და დაიწყო შობის გალობა.

როდესაც ლოცვა გაათავა, გააქრო სანთლები და პირველად დედა ჩემს, როგორც სახლის უფროსს, მიუშვირა გული ხატზე სამთხვევად. დედა-ჩემმა პირ-ჯვარი გადაიწერა, და მიუშვირა ტურჩები. ჩვენ, დავიწყეთ სიცილი, რადგანაც ფიცარზე არავითარი ნახატი არ იყო, დაინახა თუ არა დედა-ჩემმა ცარიელი ფიცარი, უკან გადგა და გაწბილებულმა უთხრა ფეტვიას:

— არა გრცხვენთან? ღვთის მოყვარე და ისიც სასულიერო კაცი ამას ჩაიდენს? ხატის მაგივრად გულზე ფიცარი ჩამოგიკიდნაო?!

— ოჰ! შენ ჩემო თავო!.. ამის მაღლი გაუწყრა ტიტოს!..

— ტიტო რა შუაშია?—ჰკითხა დედა-ჩემმა,—სულ ღვინის ბრაღია!

— როგორ რა შუაშია?!—განრი-სხებულმა ფეტვიამ ელემი თვალები დააქუცია, — როდესაც მოლილულ გორიდან ჩამოვდიოდი, იქ დამიხვნა ეშმაკსავით და შემეხვეწა, ხატს მე წამოვიღებო, აგრედვე მითხრა, მე წინ წავსულიყავი. როდესაც ცოტა დავწინაურდი, უკანიდან მომესმა საშინელი ყვირილი:

— ხაბარდა, ხაბარდა! — თორემ ფეხებს დავამტვრევო!..

— მივიხედე... გზა მივეცი... მეტი რა ჩარა მქონდა? რა დავინახე?.. — შემოიკრა ივანემ თავში ხელი, — ტიტო ხატზე დამჯდარიყო, ყელის თოკი ხელში დაეჭირა და გამაღებულს ძლივს-და მოვკარი თვალი, ისე მისრიალებდა... როგორც ეტყობა პირქვე დაუდგია და ისე დამჯდარა... როცა გზაზე ჩამოვედი, სიცილით მომადლო ხატი და თითონ გაჰკურცხლა სახლში. უეჭველად მაშინ წაიშლებოდა ხატი. არ შეარჩენს მას ღმერთი... მიუსჯის ღირს სასჯელს... ნუ გგონიათ ეს საზიზღრობა შეარჩინოს... განა ეს პირველია? ბევრ-

ჯერ უქნია ოინები, მაგრამ ვითმენ. ამასწინად შევხვდნ და დამიწყო მოხუცებულს თავისებურად დაცი- ნვა. მიუბრუნდი და უთხარ: ტიტო, ქრისტიანი კაცი ხარ ღმერთს ნუსკო- დავ, ისედაც ბევრი ცოდვები გაქვს, დიდ-მარხვაა, ერთხელ მოდი და ეზი- არე მეთქი. იცით რა მიპასუხა, იმ ურჯულომ იმან?

— ცოლ-შვილი გაგიხდეთ შენ და შენ ღიპიან მღვდელს საზიარე- ბელი, მე რა მაქვს საიმისოვო.

— აბა ერთი მითხარით, რა უყო ასეთ თავზე ხელ-აღებულს? იგი ღვთისთვისაც და კაცისათვისაც მავ- ნებელია!..

დაათავა და საწყალმა ივანემ დაი- წყო წირპლა. დედა-ჩემმა გროშები მიაწოდა. ივანემ თავი დაუკრა და დალონებულმა და გამწარებულმა, მაგრამ როდესაც სველი ხელადა დავანახვეთ, მაშინ გამხიარულდა, დაგვლოცა, ერთი თავისებურად მოიწაფა, გააწყაპუნა ტუჩებით, მა- დლობა გვითხრა, გამოგვემშვიდობა და გაუდგა თავის ერთგულ ვირით გზას.

ილო ნაც—ლი.

თელავის რამე

(წერილი „ლახტისან“ ეშმაკისადმი)

ეშმაკოჯან მსურს გიამბო, ახალი რამ თელავისა, თუ იფიცებ ტარტაროზებს, რომ არ ეტვი არავისა.

ამ კურთხეულ ქვეყანაში რა არ არის სანაქებო, ვერ აგიწერ და ესე სჯობს, ჯერ მას თავი გავანებო.

მხოლოდ ძმაო, რასაცა გწერ ეს ახალზე ახალია, „სასწავლებელს“ გვიარსებენ— იცან მისი სახელია.

„საროსკიპო სახლი“ ჰქვიან რა იქნება უკეთესი, ქვეყანა მან დამშვენა, ქებულია მისი წესი.

და ჩვენ რაღად ჩამოვრჩებით, ჩვენ კი არ ვართ ხალხი განა? თუმც რა გვიქირს, მაგრამ უფრო წინ, წინ წავა ეს ქვეყანა.

„საროსკიპო“ იცი ძმაო, სიკეთეა რკინის მკვეთი, თუ რომ მალე არ მოაწყეს ილუბება მთლად კახეთი.

წვირღვებობა გარე რჩება, უსწავლელად სიბნელეში, საროსკიპო გაანათლებს და შეიყვანს სინათლეში.

მხოლოდ ძმაო, სამწუხაროდ მოთავენი ვახდენ ავად და ეშმაკჯან გამოგზავნე, „ლახტს“ ნდომობენ სანახავად. გ. ძამუჯოვი.



მესტპირული

(დიდი-ჯიხაშისათვის)

სტირს მოვრთავ, გუდას ჩავბერავ ვამღერებ, ხან კი ვატირებ, ჩვენს დიდ-ჯიხაშს მივმართავ და ჯერ მას მიუხმატებილებ.

მსურს მიულოცო იქ ნაცნობთ ბრწინვალე დღესასწაული, ყველა შევაქო დიდებით, როგორც დავითმა საული.

თავადებიდან დავიწყებ, აყვები ტრადიციებსა, ნიკოსაც ვუმღერ, საშასა, იმ კერა განაცხებსა.

მერმე აზნაურთ შევძახებ: გლებთან რათ არ გსრუთ ერთობა? ნუ თუ აქამდინ ვერ ამჩნევთ, რომ გაჰქრა თქვენი ღმერთობა!?

ყველას კი ერთად ვეტყვი, რომ პამპულაობა ძნელია, ანებონ თავი უქმობას, და თოხსა მიჰყონ ხელია.

ეხლა კი ვუთხრათ მშვიდობით, თუ გვინდა სულის ცხონება, სამსონს და ბესოს ვუმღეროთ, იმათაც მოეწონება;

ვუთხრათ: ქანქარზე ნუ წუწკობთ, ეს ხომ სიმართლის გამობაა, საკუთარ ჯიბის გატენა რა ერთობა და ძმობა?!

ნურც სერგო დაგვაიწყდება: სკოლის გამგეა „ქებული“, რა უშავს, ბედნიერია „ზეციდან“ „მირონცხებული!..“ „აღდგომა“ უკვე მოასწრო, მოელის „ამაღლებასა“, წვალობს, ოფლსა ღვრის, მუხლს იდრეკს,

მაგრამ ვინ ეტყვის ქებასა!.. გადაგვარების მოსურნე, ბუნებისაგან კრულია, სხვის ზურგზე გასუქებული, ყოველთვის წაგებულია. ისე შენც... მაგრამ ეყოფა!.. მისი ეყოფა მას ქირი.

ივანე მოვინახულოთ, სამკითხველოსკენ ვქნათ პირი, ეტყობა დღესაც „უზუხავს“, ჩვენს ქებულ მეთვალყურესა მიკვირს, ამდენ ხანს, „ლახტითა“ რატომ არ შეახურესა?!.

„პედაგოგთ“ მიუბრუნდები, არც იმათ ვეტყვი ქებასა! თუ კვლავ ამ რიგად იცხოვრეს, შეეყრებიან სნებასა... ჯერ ეს მეყოფა—დავღალდი, მუზაც გაფრინდა ტიალი. კვლავ ვესტუმრები ჯიხაშს, თუ არ მომწყინდა ყიალი.

პასქა.

მხანავ კალის წერილი ამხანავ ძალთან.

ძვირფასო დოო ნინო! უპირველეს ყოვლისა, მოგიკითხავ წრფელის გულით და გისურვებ ცხოვრებაში გამარჯვებას. თუ მიკითხავ, მე, ქე ვარ ჩემთვის, რაფარც შეეფერება „თანამედროვე ცხოვრე-

ბის მსხვერპლს“ და გადმოხვეწილ ადამიანს; როცა მიღამდება, აღარ ვიცი გამითენდება თუ არა, არავითარი დახმარება, არავითარი თანა-რძნობა. ჩემი „მეგობარი“ ის არის, ვისაც ჩემს მეს გავაქელივებ, ვისაც სათამაშო ბურთად გოლებთები. ყოველი კაცი ვაჭრულის თვალთ გიყურებს, ასეთი ყოფილა უღმობე-ლი ცხოვრების კანონი. მე რომ ძალუანი ვაჭ-კაცი ვყოფილიყავი, ხომ გაუმკლავდებოდი ცხოვრების უკუღმართობას, მარა ეჭ, ჩემო ნი-ნო! კმარა, ამიზა ლაპარაკი მეტია. ნუ თუ ვერ წარმოიდგენ სუსტი არ-სებას და ისიც გარდახვეწილს?.. მე გვევივე ჩემო ნინო, რომ კეთილი საქმიზა მოგიკილია ხელი; ვგონებ გახეთის რედაქტორად ყოფილხარ, გისურვებ იდეალების განხორციე-ლებას, მარა ძაან სიფრთხილვე კი გმართებს. დიად გაფრთხილდი, ჩემი ხვედრი შენც არ გეწვიოს. შენ ხა-ლხიზა გევიწირავ თავი, მარა იგი ხალხი მერმეთ შენ გაგქელავს, რა-ვარც მე მქელავს. ასთეა დღეს და რა იქნება შემდეგ—ჯერ არ ვიცი.

ახლა რას გეხვეწები, დაიკო ნი-ნო. რაი დაგემართა ქალო და ეს პატარა სურვილი ვერ შემისრულე: რა ქენი იყავ ბ-ნ პ—სთან თუ არა? რაი პასუხი მოგვა? პირველ წერი-ლში რომ მწერავდი, უარი მითხრაო— რეიზა უთხრობია უარი კაცო, არ მართებს თუ?.. თუ მაგის სინიღისი გაწყვეტია, შენ ხომ იცი, გახეთი რომ დეიკეტა ორივეს ნამუშევარი 70 მან. დაედვა ვალად ჩვენი ე. ი. ორივესი. ქალო, შენ თუ არ გაძ-ლევს, მე რას მემართლება?!. ხომ იცის მაგი გლახამ, რომ გადმოსა ხლებული ვარ, სუსტი არსება და ყოველი გროში მილიონის ღირე-ბულებას შეადგენს ჩემთვის?.. ახლაც ხომ უსაქმოთ არ არის. მე გვევივე რომ ქალაქის გამგეობას რაცხა კაი ჯამაგირიანი საქმე მუცია, და ამას გარდა კანონიერი ცოლი გოუგდია და ვინცხა ნათრევ რუსის გოგოსთან ყოველ ღამე რესტორანებში ათიებს

და მე კი ჩემი ნაშრომის, თუნდა თვეში ერთი მანათიც არ უნდა გა-მომიგზავნოს?.. ფუი მაგის კაცობას და დემოკრატიობას... ქალო, მაგი კაცი არ არის, რომ გახეთებში წე-რავს და თავი ხალხის მხსნელად მოაქვს! არ მინდა მაგის დახსნა, ჩემი ნამუშევარის თვეში 1 მან. გამომი-გზავნოს. აბა ჩემო ნინო, რომ მწე-რავდი შენს პირველ წერილში, რომ ცუდ დროში ვცხოვრობთო, ცუდი კი არა ძაან კაი დღე დაგვიდგა, ვისაც კიდევ შერჩენია სალი გონება და თვალი, მას შეუძლია ახლა გაა-რჩიოს შავი თეთრისაგან—ე. ი. ბ-ნი პ—სთანა გმირები კარგად გეიცნოს და ამის შემდეგ კი არ აღმერთოს —არამედ აფურთხოს!..

ეჭ, ჩემო ნინო, დამიჯერე, რომ მაგისთანა „გმირები“ რომ მართლა ხალხის მხსნელები იყენ, ამ ჟამად ჩემს ცოცხალ ლეშს ყვავე-ყორანნი თავისუფლად არ დასჩხავიდენ. უკა-ნასკნელად გეხვეწები დაიკო ნინო, ერთხელ კიდევ გაისარჯე და სთხოვე ჩემს მაგიერ, რომ ჩემი ნაშრომიდან თვეში ერთ მანათი გამამიგზავნოს, უბინაოთ ვარ და პური მშია.

იმედია საპასუხო წერილს მომწერ. პატავის ცემით შენა უფუფი შეგე-ბარა ასათ-ამწუფები ქალი მაკრინე.

გ ა ზ ა უ ზ უ ლ ი ს მ ო ლ ო დ ი ნ შ ი

გაზაფხულდა... ათას ფერად მოიქარგა მინდორ ველი, ტყე ფოთოლით შეიმოსა დრო დაგვიდგა სანატრელი.

მწყემსი ხელში სალამურით წინ ცხვრის ფარას მიუძღვება, შორს, შორს ისმის მისი სტვენა და სივრცეში იკარგება.

გლებმა გუთანს ხელი მიჰყო წინ გიშერა გაიძლოლა, კვალ-კვალ მისდევს არ შორდება აქეთ-იქით ბელტებსა ყრის.

ტოროლამ ცაში დასჭყვივლა გააღვიძა არე-მარე, გაზაფხული მოახლოვდა შრომის შვილო გცინარე.

ნ. დავითიშვილი.

კ უ ჯ ლ ე ბ ე ბ ი

(სახსურეში ნახაგნი წერალებიდან)

„კლეოპარამ“ ასე ბძანა:

— მოარშიყე ქალი ვარო, ჩემს გულის ვარდს ვერ წამართმევს ვერც მაშიკო და ვერც დარო, სილამაზით განთქმული ვარ, ტოლათ ვერვინ დამადართ, სულ უცნობი, რომ შემომხვედ წამს „პოდრუჩკი“ გაგიყარო „რუსკი“ ძალზე შემიყვარდა „ნენავიუ“ კარტველსაო, მოპარუსკე გენაცვალე მისკენ ვაჭყეტ თვალებსაო.

„მადამ-ჟანმა“ შეუთვალა:

— შენ მოგიკვდეს ჩემი თავი, რატომ წერილს აღარ მწერავ გულს დამაწვა სევდის ზეფი, მოგიკითხავთ სიყვარულით შენ და შენსა სატრფოსაო, მიშკა სწორედ გაღირევა ეხლა მე რომ მნახოსაო! მოვიმატე ხორცი, ფერი, მოვიგლიჯე გულზე სევდა, პეპელასავით დაფფრინავ სულ გაგიყდა ვინც შემხედა. შენც ხომ იცი ბავშვი მყავდა მიწუხებდა სულს და გულსო, ისიც ბიძას გადაუგდე ეხლა ჟამივითა მძულსო.

დილას რომ გავკოხტავდები ჩაის დაეღვევ კარაქითო, მერე იქით შევაყოლებ შენც ხომ იცი „მამალ-ქითო“

„აკტავიამ“ რომ გაიგო — კაპასობენ ქალებიო, მყისვე კალამს სტაცა ხელი გააჭყიტა თვალებიო.

და მისწერა: ჩემო დებო, ლამაზებო, გვრიტებოო, ასე აღრე რათ ჭიკჭიკობთ, დამაცალეთ გიყებოო.

ვითომ რო იპრანქებით, იგრინებით ვით მელიო, ნაირ-ნაირ ყმაწვილს ვეძებთ (სიყვარული რა ძნელია?!.)

შეარცხინოს ღმერთმა თქვენი სინიღისი, გძელი ენა, მართლა დებივით მიყვარდით, ეხლა კი დამიწყეთ კბენა.

ერთი მყავდა მე მიჯნურა,
 ჯერჩვენოდი თვის სულსაო
 ბოლოს ისიც გადრბირეთ
 სალამს უძღვნით მას მტრულსაო.
 სიკინჯალს.

მამაკვიდრის მულღინაში

(ამბავი სოფლის წმინდანად)

ზაქროს სიხარულს საზღვარი აღა-
 რა ჰქონდა, რადგანაც დღეს თავის
 მარიკომ ახარა, რომ მალე შვილის
 მამა გახდებოდა.

— რაღა მიჭირს ეხლა, უსათუოდ
 ვაჟიშვილი მეყოლება და ჩემს ბედს
 ძალი არ დაჰყვესო. მინამ ჯანი
 მაქვს, მარტო ხელიც გაუძღვები
 რაჯახს და შვილი, რომ წამომეზრ-
 დება, მხარში ამომიდგება და მალე
 თვალსაჩინო გლეხი შევიქმნები სო-
 ფელშიო, — ფიქრობდა ზაქრო და
 თან მხაარულად ათამაშებდა ხელში
 თოხს სიმინდში... მაგრამ ვიდრე ამ
 ამბავს გავაგრძელებდეთ, საჭიროა
 კრატათი გავიცნოთ თვით ზაქრო.

ზაქრო ძრიელ ღარიბი დედ-მამის
 შვილი იყო, რომელთაც დედამიწის
 ზურგზე, როგორც იტყვიან ხოლმე,
 არა გააჩნდათ რა ნახევარ დღიური
 ხრიოკიანი და არაფრის გამოსადე-
 გარი მიწის მეტი... ამიტომაც თო-
 რმეტი წლის პარმშო შვილი დედ-
 მამამ ერთ მოხუცებულ დალაქს მია-
 ბარეს შევირდათ. „რა ვქნად, ხე-
 ლობა მაინც ისწავლოს, რომ ლუ-
 კმა ქამოსო“, იტყოდნენ ხოლმე
 ზაქროს დედ-მამა.

ზაქრო ისეთი მუყაითი და გონი-
 ერი ბავშვი გამოდგა, რომ ერთ წე-
 ლიწადში ხაზინმა ჯამაგირი დაუნი-
 შნა და სამუშაოდაც გაუშო.

ოხ! რა ბედნიერი დღე იყო ზა-
 ქროსთვის, როდესაც პირველად მა-
 კრატელი ათამაშა ხელში და უს-
 წორ-მასწოროდ, გათლილ ბოლო-
 კივით, დაუკორტნა თავი ერთ პი-
 რველ თავის მუშტარს...

ზაქრო ამ დღიდან თავის თავს
 ბედნიერად სთვლიდა. . მაგრამ ეს
 ბედნიერი ხანა მალე გაუმწარდა,
 რადგან დედა მოუკვდა. ბევრი ინა-
 ღვლა მაგრამ რაღა ეშველებოდა?..

და რადგან მოხუცი მამა მარტოცა
 ვერას ზღებოდა, ზაქრო იმულებუ-
 ლი შეიქმნა სოფელში დაბრუნებუ-
 ლიყო და იქ განეგრძო თავის ხე-
 ლობა. მაშინ სრული თვრამეტი
 წლისა იყო. ზაქრო სოფელში მუ-
 ყაითად შეუდგა თავის ხელობას და
 სულ ორ წელიწადში საკუთარი ქე-
 რი შეიძინა და ერთი დღიური მიწა.

შვილის ასეთი გამჭირვალეობით და
 მუყაითობით გახარებული ზაქროს
 მამა ეხლა მთელი დღე ცოლის შე-
 რთვას ჩასჩინებდა შვილს.

— შვილო, ნუ მომკლავ ისე;
 რომ შენი გვირგვინი ვერა ვნახო,
 — ეტყოდა ხოლმე მამა, თითქოს
 მოწყალებას სთხოვსო.

ზაქრო თუმცა დიდხანს უარზე
 იდგა, მაგრამ ბოლოს მამის მუღა-
 რამ გასჭრა და მალე დაქორწინდა,
 დიდხანს გაჩუმებული კერა აახ-
 მაურა. ზაქროს მამა, ამ ბედნიერე-
 ბით სრულიად გაცმაწვილდა და
 დღე და ღამე ჯანის დაუზოგავათ
 რაჯახის ბედნიერებისთვის ზრუნა-
 ვდა...

— ოხ, ნეტა კი ბიჭი მეყოლოს
 და ისეთ ნათლობას გადავიხდი, რომ
 მტერსაც კი იამოსო, — ასეთ ფიქრე-
 ბით დამთვრალი ზაქრო, და იმის
 მოლოდინში, რომ მალე ვაჟი-შვი-
 ლის მამა გახდებოდა, სრულიად და-
 ვიწყდა, რომ სამხარი არავინ მოუ-
 ტანა...

— ნეტა რა მიზეზია, რომ აქამ-
 დის სამხარი არ მომივიდა?.. — გაი-
 ელო ზაქრომ გულში და თანაც რა-
 დაც შიში იგრძნო?

უეცრივ გააგლო ხელიდან თოხი
 და ჩქარის ნაბიჯით გაეშურა სახ-
 ლისკენ. რამდენი ნაბიჯითაც უახ-
 ლოვდებოდა სახლს, იმდენი მის
 გულს შიში იპყრობდა.

— ღმერთო, რა უნდა იყოს, —
 ფიქრობდა ზაქრო, — იქნება მარიკა
 დაწვა?.. იქნება ვაჟი მყავს?.. — ზაქ-
 რომ ფეხს აუჩქარა, რათა მალე მი-
 სულიყო და გაეგო თუ რა ხდებო-
 და მას სახლში...

მისვლისთანავე ზაქრომ მსწად აღლ

შეალო კარები და შემდეგი სურათი
 გადაეშალა თვალწინ: საბრალო
 მარიკო უსულოდ სდო ლოგინზე
 და მის გვერდზედ ახლად დაბადე-
 ბული გოგო ჩხაოდა... თავზარ და-
 ცემული ამ სანახაობით ზაქრო ერთ-
 ხანს გაშტერებული უყურებდა მაკ-
 როს გაციებულ გვამს... მერე უც-
 ბად დასტაცა ხელი ბავშვს... ერთი
 საშინლად გაიცინა და უდანაშაუ-
 ლო არსება კარებში გაისროლა...
 ვანო საათაშვილი.

დ ე კ ე შ ა

დ. სამბაკია. გამოზაფხულდა
 თუ არა, აქაურმა ქალ-ვაჭებმაც
 არშიყობას მიჰყო ხელი. ამის გამო
 დაარსდა „ბიურო“, სადაც იღებენ
 მსურველთ. ჯერ-ჯერობით 20 სუ-
 ლამდეა ჩაწერილი ორივე სქესისა.

„ბ. სკამკოჩაიშვილს“ (აქაური პი-
 ეტის ფსევდონიმი) განუზრახავს გა-
 მოსცეს აქ იუმორისტული ჟურნა-
 ლი — „ნინას შაში“, რომელშიაც
 იქნებინან მოთავსებული მარტო მისი
 ლექსები. ეს იმ მოსაზრებით, რომ
 მისთვის „ლახტში“ არ დაუბეჭდავთ
 ლექსები და „კონკურენციას“ ეწე-
 ვა. როგორც დანამდვილებით გავი-
 გეთ, მისი პირველი ლექსი აი, ასე,
 დაიწყება:

ვის მოუთხრა ქირი ჩემი
 გულსა ცეცხლი სადებარი,
 მოყვარესა ვინ დაუგმოს
 საქმე სიბრძნით საქებარი.
 იკლო ღვინის სმამ, გახშირდა
 კარტ-ნარდის თამაში. აიწია ხორ-
 ცის ფასმა, დაიკლო კვერცხისაჲ. კაი
 საქმეა სწორეთ!! თავგინარა.

ს. ჩიბათი. აუარებელი ხალხი
 აწყდება აქაურ სამკითხველოს. სკა-
 მების სივიწროვის გამო მიდიან ბ.
 ბეჟანის ლუქანში და იქცევენ თავს
 „ტრილისტით“.

ლანჩხუთი. ათი საათი და ორ-
 მოცი წუთი იქნება, რაც ნესტორ
 მხეიძე არ დამთვრალა. რადგან ძლი-
 ერ ცხელა. მაკარი და მისი კომპა-
 ნია „ლუბოჩქითურთ“ მიდიან საა-
 გარაკოდ ქვალონში.

ნიგოზიტი. ელისო გოგეშვილმა
 ნება დართო, მოხეტიალე ყმაწვილე-

ბმა ფურნეში შეიქციონ თავი კარტის თამაშით.

სუსსა. ელენა ხევკურანმა გადაიხადა დაბადებიდან ოცდა ერთი წლის დღესასწაული. დაესწრო ყველა მისი მოაზრენი და დახარჯა ბევრი უზომო სიტყვები. ბევრი საგმირო საქმენი მიუძღვის ამ იშვიათ აღამიანს, მეც მაქვს მისთვის საჩუქრათ „ლახტის“ კული. თა—რა.

ქუთაისი. მიუხედავად იმისა, რომ ჩვენი ქალაქის წყალსადენ, კანალიზაციის და ტრამვაის კანონ-პროექტი არ დაუმტკიცეს, ქალაქის მამებს მუცლის ტკივილი აუტყდათ. ქალაქის თავმა ილ. ჩიქოვანმა გამოუწერა მათ ინოზემცევის წვეთები. მდგომარეობა საშიშია.

სალოარიის სასაფლაოს მოიჯარადრესა და მეთვალყურეებს ძეგლების, მარმარილოსა და ჯვრების ქამა დაუწყვიათ. ამის გამო 90 მკვდარმა საჩივარი განაცხადა ეპისკოპოსთან.

საფირჩხიაზე დამთვრალი ბრიგადისტები ქუჩაში ველარ ეტყვიან. ამის გამო დაზიანებულია სახლის ფანჯრები და ლობეები (რა გვეშველება ამ დღესასწაულებში?)

პორტირეს სადალაქოში კარტკამათლების თამაშმა იმატა. მოწვეულნი არიან საუკეთესო გინების

მცოდნე მასწავლებლები. მსურველთ შეუძლიანთ ჩაეწერნენ აქვე.

ივანოვის ქუჩაზე დანიშნულია მოარშიყეთა პაემანი. ყველა კარბთან შეხვედებით თითო-ოროლ წყილს აქვე ირ. ფირცხელაშვილის დუქანში ვირთხამ სოროს ქვეშ ჩაითრია ნოქარი. სანახავათ ფიცხელი ზომბია მიღებული. კვინტრიშა.

ბასართოზი

გლოვა სჯობია უზომოდ.

ლაზღანდარობა ხარხარსა, თუ კაცი ზომას არ მისდევს არვინ დაუქერს მას მხარსა.

აგრეთვე ქამა-სმა არის მუცელს არ უნდა ლორობა, არც უნდა იყოს მეძავი არ ქმნას პირუტყვთა სწორობა.

გ. დ.

ერთმა თათარმა კავკასიაში ცოლი შეერთო. თავის საცოლეს სახე ჯერ არ ენახნა. როდესაც მარტოკა დარჩნენ, ქმარმა ცოლს პირბადე აპხადა და დაინახა მეტად ყოვლად საძაგელი სახე. ახალგაზრდა ცოლმა მორცხვად ჰკითხა თავის ქმარს:

— შენს ნათესაებში უფრო ვის შემიძლიან უპირბადოდ დავენახე?

— ყველას, ყველას დაენახვე, ჩემს გარდა! — სიბრაზით წარმოსთქვა ქმარმა.

წერილი რედაქციის მიმართ

ბ. რედაქტორა! თქვენ პატარაგემულ ყუჩნად „ლახტის“ № 3-ში მოთავსებულია წერილი გორდან „მარტაპაზის“ ფსევდონიმით, ვითომ ბანქას თამაშობის დრას რათეფელ შარაშიძეს დინით დაეკრას ვიღაც დებაძე. უნდა ვაღვიარო ჩემს ნაწინებებს წინაშე, რომ ეს რათეფელ შარაშიძე სხვა უნდა იყოს და ჩემზე გვიან შეტია, რადგან სამი წელიწადია გორში არა ვყოფილვარ და არც ბანქას მოთამაშე ვარ.

რაფიელ ვახტანგის ძე შარაშიძე

ჩვენი ზოსტა.


„ქვახს“ ს. „კითურელებს“ ვერ დაიბეჭდება **შაქრა ბერაიაძის**. „აი ყირათობა“ კარგი იქნებოდა, რომ გვეყარათნად და ამოდენა მელანი არ დავებარჯათ.

ნაშრევანიძეს. თქვენი ლექსი „ჩემს ხმალს“ ვერ დაიბეჭდება დღევანდელ პირობებში.

ჯაჯუას შვალის-შვალს. თქვენი სტენა „მოტყუებულნი“ ვერ დაიბეჭდება, რადგან მოკლებულა მარლიონ ხუმრობას.

კ. ლიკლიკიანცს. თქვენი წერილი „ქუთაისი (საღორია)“ ნაგვს გოდორში ლიკლიკებს და ვინ იცის, ენას როდის : მოიღდავს.

სანიას. თქვენი ლექსები „პასუხად „ლახტის მეფოსტეს“ და „მხანაგური ხუმრობა“ მეტად კარგი რამ იყო, ჯერ ქართულ ენაზე არაფერი დაწერალა მის მსგავსი, მაგრამ ჩვენდა სამწუხაროდ, ვიღამაც მოგვარა, ალბად თავგებმა იეშმაქეს.



როგორ ატარებენ მოწაფენი დროს უქმეებში.

ტფილისი სტამბა „ზრომა“ მუხრანის ქ.



აღდგომის წინად.

აღდგომის შემდეგ.

რედაქტორ-გამომცემელი დ. მელაშვილი.